

समे — 12:25

<><><><><><>

PM-Modi

प्रधानमंत्री नरेन्द्र मोदी होरें अज्ज हिंदुस्तान टाइम्स लीडरशिप सम्मेलन गी संबोधत कीता। 14 नवम्बर गी शुरू होए दे इस सम्मेलन दे अज्ज खीरी रोज अपने संबोधनै च मोदी होरें आखेआ जे साढ़ा लक्ष्य 2047 तगर भारत गी इक विकसित मुल्ख बनाना ऐ। उनें आखेआ जे इस लक्ष्य दे चलदे अज्ज हर इक भारतवासी दे मनै च बेशुमार आसां जांगां न जिनेंगी पूरा करने लेई सरकार नेकां पैहलुएं पर कम्म करा करदी ऐ। तौले गै भारत दुनिया दी त्रीह सब्बने शा बड्डी अर्थबवस्था बनने आला ऐ। उनें आखेआ जे दुनिया दे लगभग हर मुल्खै च, हर नमें चुनां दे बाद सरकारां बदलै करदियां न पर भारत दे लोकें च सरकार गी लेइयै भरोसा इन्ना मजबूत ऐ जे उनें असें गी उपरोतली त्रीह बारी देश दा नेतृत्वक रने दा मौका दित्ता ऐ।

<><><><><><>

PM-Modi

प्रधानमंत्री नरेन्द्र मोदी होर अज्जै थमां नाइजीरिया, ब्राजील ते गुआना दी 6एं दिनें दी यात्रा पर जा'रदे न। अपनी यात्रा दे पैहले गेड़ च श्री मोदी नाइजीरिया दे राष्ट्रपति बोला अहमद दीनुबू हुंदे साददे पर नाइजीरिया पुज्जगंन। पिछले 17एं ब'रे च कुसै भारती प्रधानमंत्री हुंदा नाइजीरिया दा एह पैहला दौरा होग। दऊं दिनें दे इस दौरे दरान श्री मोदी होर नाइजीरिया दे बड्डे नेताएं कन्नै दपक्खी सरबंधें गी अगगे बधाने दे तौर तरीके पर चर्चा करगंन। नाइजीरिया दी यात्रा परैत प्रधानमंत्री होर जी-20 शिखर सम्मेलन च हिस्सा लैने लेई ब्राजील दे रियो दी जनेरियो पुज्जगंन। ब्राजील दे राष्ट्रपति जूइस इनासियो लूला दा सिल्वा 18 ते 19 नवम्बर गी जी-20 शिखर सम्मेलन दी मेजबानी करगंन। शिखर सम्मेलन दे दरान प्रधानमंत्री होर आलमी सतह दे बक्ख-बक्ख मुद्दे पर भारत दा नजरिया सांझा करगंन ते कन्नै नमीं दिल्ली घोशणा पत्र ते अफ्रीका, एशिया ते लातिन अमरीका दे गरीब ते विकासशील देसैं कन्नै जुड़े दे वाइस ऑफ द ग्लोबल साउथ शिखर सम्मेलन दे नतीजें थमां बी अवगत करोआंगन। अपनी यात्रा दे त्रीए गेड़ च प्रधानमंत्री मोदी होर 19 थमां 21 नवम्बर तगर गुयाना दे सरकारी दौरे पर रौहगन। 1968 दे बाद कुसै भारती प्रधानमंत्री दी एह गुयाना दी पैहली यात्रा होग।

<><><><><><>

Gujrat Drugs

नशीले पदार्थ पर नियंत्रण सरबन्धी ब्यूरो, एनसीबी भारतीय नोसेना ते एटीएस गुजरात पुलिस नै इक सांझी कारवाई दरान गुजरात च अंतर्राष्ट्रीय नशा तस्करी गिरोह दा भांडा फोड़ कीता ऐ। इक सोशल मीडिया पोस्ट च गृहमंत्री अमित शाह होरें आखेआ जे सुरक्षा अजेंसिएं 700 किलो प्रतिबंधित मैथम फेटामाइन जब्त कीता ऐ। उनें आखेआ जे सुरक्षा अजेंसिएं दी एह कारवाई नशा मुक्त भारत प्रति सरकार दी प्रतिबद्धता गी दर्शादी ऐ। उनें इस बड्डी कारवाई लेई सुरक्षा अजेंसिएं दी सराहना कीती।

<><><><><><><><>

LG-Jhiri

उपराज्यपाल मनोज सिन्हा होरें अज्ज सलाना झिड़ी मेले दा हुनै कोला किश चिर पैहले उद्घाटन कीता। उनें इस मौके मेले च लाए गेदे पंडालें दा चक्कर लाया, मेले दी रौनक दिक्खी ते दूरा-दूरा औने आले श्रद्धालुएं लेई कीते गेदे इंतजामें दा बी जायजा लैता। कल शुरू होए दे इस मेले च अजें तोड़ी दऊं लक्ख श्रद्धालु दे कोलकाल बाबा जित्तो हुंदे दरबार च मत्था टेकी चुके दे न। हर बरे एह मेला कते म्हीने दी पुन्नेआ पर लगदा ऐ। एह मेला डुंगर दे महानायक ते करसानें दे मसीहा खेआने आले अमर शहीद बाबा जित्तो हुंदी सुच्ची सम्याले च मनाया जंदा ऐ जिनें 15मीं सदी च जगीरदारी नजाम खलाफ अवाज बुलंद करदे होई अपनी जिंदू दा बलिदान देई दित्ता हा।

<><><><><><><><>

Goa Film Festival

सूचना ते प्रसारण मंत्रालय राष्ट्रीय फिल्म विकास निगम ते गोवा दी मनोरंजन सोसायटी दे सहयोग कन्नै भारत दे 55में अंतरराष्ट्रीय फिल्मोत्सव दा सरिस्ता करने लेई पूरी चाल्ली तैयार ऐ जेहड़ा 20 कोला 28 नवंबर 2024 तगर पणजी च लग्गोग। आकाशवाणी दे जम्मू संवाददाता नै जानकारी दित्ती ऐ जे फिल्मोत्सव दा इस बरे दा थीम ऐ "युवा फिल्म निर्माता-भविष्य इयै ऐ" ते इससै मंशा कन्नै इक पुरस्कार भारतीय फीचर फिल्में च डेब्यू यानि पैहली फिल्म करने आले निदेशक लेई रक्खेआ गेआ ऐ जेदे नै नमें युवा फिल्म निर्माताएं गी बढ़ावा थहोग। इस सम्मान च प्रमाण पत्र दे अलावा 5 लक्ख रपे दा नकद ईनाम बी दित्ता जाग। इस फिल्मोत्सव दे दौरान 81 मुख्यें दियां 180 फिल्मां दस्सियां जाडन। भारतीय फिल्म निर्माता आशुतोष गोवारिकर अंतरराष्ट्रीय न्याय मंडल दे अध्यक्ष होडन। इस फिल्मोत्सव च भारत दिएं चार महान हस्तिएं दे 100मीं बरे गंड दे मौके पर उनेंगी चेता कीता जाग जिंदे च महान फिल्मनिर्माता निदेशक ते अदाकार राज कपूर, फिल्म निर्माता तपन सिन्हा, तेलुगु फिल्म स्टार एक्कीनेकी नागेश्वर राव ते गायक मोहम्मद रफी शामिल न।

<><><><><><><><>

National Press Day

अज्ज मुख्य भरै च राष्ट्रीय प्रेस दिवस मनाया जा'रदा ऐ। समाज रू आजाद ते जोआबदेह प्रेस दी महत्वपूर्ण भूमिका दे सम्मान च एह ध्याड़ा हर बरे 16 नवम्बर गी मनाया जंदा ऐ। 1966 च अल्लै दे गै दिन भारती प्रेस परिषद नै कम्म करना शुरू कीता हा। एह ध्याड़ा नां छड़ा प्रेस दिएं उपलब्धिएं गी दर्शादा ऐ सगुआं पारदर्शी ते शिक्षित समाज दे निर्माण च एहदी जिम्मेदारी गी बी बधांदा ऐ। इस मौके पर बक्ख-बक्ख कार्यक्रमें दे आयोजन दे कन्नै पत्रकारिता दे खेत्तर च उत्कृष्टता पुरस्कार भेंट कीते जंदे न। सूचना ते प्रसारण मंत्री अश्विनी वैष्णव होर अज्ज इस मौके पर नमीं दिल्ली च इक समारोह गी संबोधत करगन।

<><><><><><><><>

Cricket

क्रिकेट च कल जोहान्सबर्ग च खेड्डे गेदे चौथे ते खीरी टी-20 मैच च भारत नै दक्खन अफ्रीका गी 135 रंजें कन्नै हराई दित्ता। एहदे कन्नै गै भारत नै चऊं मैचें दी श्रृंखला 3-1

कन्नै जित्ती लैती। पैहले बज्जेबाजी करदे होई 20एं ओवरें च 283 रंज बनाए। संजू सैमसन नै 109 जदके तिलक वर्मा नै 120 रंजें दी पारी खेड्डी। लक्ष्य दा पिच्छा करदे होई दक्खन अफ्रीका दी टीम 18.2 ओवरें च 148 रंजें पर आउट होई गई।

<><><><><><>